



Inatsisartunut ilaasortaq  
Pipaluk Lyngø-Rasmussen, Inuit Ataqatigiit  
/Maani

## **Pinngortitami ikuallattoornerit pillugit § 37 naapertorlugu apeqquteqaammut nr. 116-2021-mut akissut**

Asasara Pipaluk Lyngø-Rasmussen

Pinngortitami ikuallattoornerit pillugit Inatsisartut Suleriaasianni § 37  
naapertorlugu Naalakkersuisunut apeqquteqarputit. Apeqqutit uannut  
akisassanngorlugit innersuunneqarput.

### **1. Sisimiuni august 2019-mi pinngortitami ikuallannermut assingusumik Kalaallit Nunaanni pinngortitami ikuallattoqalernissaanut Naalakkersuisut upalungaarsimanikkut pilersaaruteqarpat?**

#### **Akissut:**

Kommunini annaassiniarnermut upalungaarsimasut pinngortitami  
ikuallattoornernut qatserinissamut akisussaasuupput. Kommunimut  
upalungaarsimanermit pilersaarummik suliaqarnissaq aamma  
upalungaarsimanermit ataatsimiititaliarsuarmik kommunimi assersuutigalugu  
pinngortitami ikuallattoornernik suliaqartussamik pilersitsinissaq  
kommunalbestyrelsip akisussaaffigaa, takuuk *Kalaallit Nunaanni  
annaassiniarnissamut upalungaarsimaneq aamma ikuallattoornissamik  
qaartoornissamillu pitsaaliuinermit iliuusissat pillugit Inatsisartut inatsisaat  
nr. 14, 26. maj 2010-meersoq.*

Naalakkersuisut nunami namminermit upalungaarsimanermit pilersaaruteqarput,  
Kalaallit Nunaanni Upalungaarsimanermit Ataatsimiititaliamit  
suliarineqartumik. Kalaallit Nunaanni Upalungaarsimanermit Ataatsimiititliap  
suliaqartinnissaanik malitseqartumik ajunaarnersuaqarnerani aamma  
annertunerusunik ajutoortoqarnerani, nunami namminermit  
upalungaarsimanermit pilersaarut atorneqartussaavoq. Nunami namminermit  
upalungaarsimanermit pilersaarut ajunaarnersuarni aamma ajutoornerni  
annertunerusuni tamaginni atorneqarsinnaavoq.

Allakkat ulluat: 20-08-2021

Suliap nr.: 2021 - 14815

Akt-id: 17624127

Postboks 1614

3900 Nuuk

Tlf.: (+299) 34 50 00

Fax: (+299) 34 54 10

E-mail: pan@nanoq.gl

www.naalakkersuisut.gl

**2. Pinngortitami ikuallattoornissamut aarlerinaammik annikillisaaniarnermut tunngasuni nuna tamakkerlugu suliniutinik nutaanik suliaqartoqarpa?**

**Akissut:**

Pinngortitami ikuallattoortarnerit pillugit kommunimi annaassiniarnermut upalungaarsimasunut tamaginnut, pinngortitami ikuallattoortarnerit pillugit isumasioqatigiinneq 2019-imi ingerlanneqarpoq.

Tamatuma saniatigut nunamut kappussuunneqartussat immikkut sanatinneqartut 50-it pisiarineqarput. Pinngortitami ikuallattoornernut atatillugu nunap iluanut imermik maqitsisoqartussanngornerani nunamut kappussuunneqartussat atorneqartarput.

**3. Pinngortitami ikuallattoorsinnaanermut aarlerinaat annikillisinniarlugu nuna tamakkerlugu malittarisassanik nutaanik atulersitsisoqarpa?**

**Akissut:**

Naamik, pinngortitami ikuallattoornernut tunngatillugu inatsimmik nutaamik suliaqartoqanngilaq. Pinngortitami ikuallattoornissap aarlerinaateqarnerata killilersimaarnissaanut tunngatillugu tamanna pisariaqartoq naliliisoqartillugu, Politiit nunaannarmi innermik atuinissamik inerteqquteqarsinnaanerannut, maannakkut inatsit atuuttoq periarfissiivoq.

Inussiarnersumik inuulluaqqusillunga

  
Kalistat Lund